

NECROLOGIUM GERUNDENSE

Ex Adonis Martyrologio sæculo XI exarato, et in ecclesia Gerundensi asservato, desumptum.

(Apud Florez, ubi supra.)

- III Idus Januarii. Eodem die obiit Berengarius Ter-
rathonensis archiepiscopus anno MXCIX.
- IV Kal. Martii. Eodem die obiit Raymundus comes
anno dominice trabeationis XVI post M.
- II Kalend. Mart. Eodem die obiit Senderedus ar-
chipresbyter anno DCCCCLXVI.
- XV Kal. Maii. Eodem die obitum Arnulphi illu-
strissimi episcopi Gerundensi anno Domini
DCCCCLXX, qui rexit Ecclesiam ann. xv, mens.
vii, dieb. et VII, f. anno xv, quod sumsit Lotha-
rius rex Francorum exordium.
- IX Kal. Maii. Eodem die anno CXI post millesimum
obiit Ermengaudus Elenensis præsul.
- VIII Kal. Junii. Anno incarnationis Dominicæ LXXVI
post millesimum, æra MXXIV, indictione XIII, obiit
domnus Remundus Berengarii comes Barchino-
nensis et marchio.
- IV Idus Julii. Eodem die obiit Petrus Pontii hujus
sedis archilevita, qui obiit in expeditione Hiero-
solymitana anno XCVIII post millesimum ab in-
carnatione Domini.
- Kal. Aug. Eodem die obiit P. G. (Petrus Gerunden-
sis) episcopus, qui valde diligens Gerundensem
sedem exercens, qui in ea diversi honoris ordinem
ob Dei genitricis amorem vocatione divina vitam
meruit cælibem.
- XII Kal. Sep. Eodem die obitum Atoni episcopi et
Ermengaudi comitis. Eodem die obit Guillelmus
Guifredi anno Dominicæ incarnationis MLXVII.
- III Non. Sep. Eodem die obiit Bernardus Umberti
hujus sedis episcopus anno Dom. incarn. CXI post
millesimum.
- V Idus Oct. Eodem die obiit Sicardis mater Bernardi
episcopi.
- XV Kal. Dec. Eodem die obiit Berengarius Gerun-
densis episcopus ann. XCIII post millesimum ab
incarn. Domini.
- Nonis. Dec. Obiit Raymundus Berengarii comes
Barchin.

MISSA ÆTHIOPUM

QUÆ ETIAM APPELLATUR CANON UNIVERSALIS.

(Bibliotheca Patrum maxima, Supplem., tom. XXVII.)

IN NOMINE PATRIS, ET FILII ET SPIRITUS
SANCTI. AMEN.

Chorus incipit : Alleluia.

Ego autem in multitudine misericordiæ tuæ, in-
troibo in domum tuam.

Adorabo ad templum sanctum tuum, in timore
tuo.

Confitebor tibi, Domine, in toto corde meo, quo-
niam exaudisti verba oris mei.

In conspectu angelorum psallam tibi. adorabo ad
templum sanctum tuum.

Sacerdotes tui induantur justitiam, et sancti tui
exultatione exsultent.

Asperges me, Domine, byssopo, et mundabor; et
lavabis me, et super nivem dealbabor.

Amplius lava me ab iniquitate mea, et a peccato
meo munda me.

Et ab alienis parce servo tuo.

C Panem cæli dedit eis.

Panem Angelorum manducavit homo.

Lavabo inter innocentes manus meas, et circum-
dabo altare tuum, Domine.

Circuivi, et immolavi in tabernaculo ejus hos-
tiam vociferationis.

Parasti in conspectu meo mensam adversus eos
qui tribulant me.

Impinguasti oleo caput meum, et calix meus in-
ebrians quam præclarus est!

Calicem salutaris accipiam, et nomen Domini
invocabo.

Benedictus, qui venit in nomine Domini! Bene-
diximus vobis de domo Domini.

Salve, mater nostra, Ecclesia sancta, munita
pariete, ornata topazio, Mater nostra, Ecclesia,
salve.

Tu es vas illud puri auri, in quo erat manna absconditum, et tu es tabernaculum panis, descendens de cælo, præbens omnibus vitam in sæculum.

IN NOMINE PATRIS, ET FILII, ET SPIRITUS
SANCTI. AMEN.

Ante omnia sacerdos dicit orationes sequentes pro ecclesia, et altari et indumentis eorum :

Domine, Deus noster, tu es solus sanctus, qui omnibus tua occulta virtute sanctificationem dedisti. Sic te, Domine, supplices exoramus ut hanc ecclesiam, et super hoc altare, et super omnia ad sacra mysteria præparata, Spiritum sanctum mittere digneris; et iterum benedic, sanctifica, et ab omni macula et pollutione munda ea, et nihil incredulitatis et immundi in eis remaneat. Fac huic ecclesie et altari mundas et electas, sicut argentum igne examinatum, probatum, et purgatum septuplum. Perfice ut super ea sit mysterium Patris, Filii, et Spiritus sancti, nunc, et semper, et in sæcula sæculorum. Amen.

Finita oratione, vestitur altare, et præparantur omnia ad sacrificium, et sequitur :

Domine, Domine Deus, scrutator cordis omnium, qui manifestas abscondita, et omnia, et singula cognoscis; tu es sanctus, quiescens super sanctos. Tu solus sine peccato, potens delere peccata. Tu scis, Domine, quod huic mysterio sancto, quod ex te procedit, immundus sum; non est mihi facies appropinquandi, neque os laudem tuam sanctam aperiendi, et gratias agendi. Sed solum propter multitudinem miserationum tuarum parce mihi, Domine, quia peccator sum. Præsta et concede mihi, Domine, (si in hanc horam misericordiam inveniam) et mitte desursum, Domine, fortitudinem tuam ut tua sancta mysteria dignus efficiar consummare propter voluntatem et lætitiâ cordis tui. Fiat incensum et oblatio ista bonus odor in conspectu tuo, et tu, Domine noster, et Salvator noster Jesu Christe, sis nobiscum, et benedic nos. Tu es ille qui deles peccata nostra, et illuminator animæ nostræ, vita, potentia nostra, et introitus noster; tibi agimus gratias usque ad sedem tuam, nunc, et semper, et in sæcula sæculorum. Amen.

Oratio super patenam.

Domine Deus noster, Jesu Christe, qui super lignum sanctæ crucis manus tuas extendisti, sic super istam patenam extende, qua tuum sacrum corpus ministratur; Benedic † nunc, sanctifica et munda eam, ut corpus tuum sanctum in ea perficiatur, in hac ecclesia sancta et apostolica, quoniam tibi gloria, et Patri tuo cælesti, cum Spiritu sancto vitali, nunc, et semper, et in sæcula sæculorum. Amen.

Oratio super calicem.

Domine, Deus noster Jesu Christe, ἀληθεὺς, qui vere Deus et homo factus es, et nunquam a tua divinitate separatus fuisti, et sanguinem tuum pretiosum propter fragilem creaturam tuam voluntarie

(1) Regnum de Sceva illud est quod appellatur saba,

A effudisti, fac nunc ut manus tuæ sint super hunc calicem. † Benedic, † sanctifica, † et purifica eum, ut in eo sanguis tuus sanctus consecretur, in hac ecclesia tua apostolica. Tibi gloria, cum optimo Patre tuo, et Spiritu sancto, nunc, et semper, et in sæcula sæculorum. Amen.

Benedictio, puritas, † et dulcedo omnibus sanguinem tuum pretiosum sumentibus, alitheos vere. Amen.

Oratio super coclear per quod lancea crucis significatur.

Domine Deus noster, qui Isaiæ prophetæ et famulo tuo ut cerneret seraphim, carbonem ignitum de sacrificio forcipe suscipientem, et labia ejus mundantem, concedere dignatus es, sic Pater omnipotens, Dominus noster, et Deus noster, continens omnia, concede ut manus tuæ sint super hanc lanceam, ut corpus et sanguinem pretiosum Filii tui unici Domini nostri, et Dei, et Salvatoris nostri Jesu Christi, digne ministrare possit. Benedic nunc, † sanctifica, † et purifica † eam, da ei virtutem et gloriam, sicut forcipi illi. Tibi gloria cum Filio tuo unico, cum Spiritu sancto, nunc, et semper, et in sæcula sæculorum. Amen.

Virtus, † benedictio, † sanctificatio sanctæ Trinitatis, in hanc ecclesiam sancti N. de Sceva (1). Tibi gloria cum Filio tuo, et Spiritu sancto, nunc, et semper, et in sæcula sæculorum. Amen.

Oratio super arculam in qua ponitur hostia pro sacrificio.

Domine Deus noster, qui in monte Sinai Moysi servo et prophetæ tuo præcepisti ut electa congregaret, quorum usus erat in ministerio altaris, arcæ, et sanctuarii in tabernaculo tuo, nunc, Domine, Deus noster omnipotens, præsta ut manus tuæ sint super hanc arculam, et imple eam virtute, fortitudine et peritate et gratia Spiritus sancti ad gloriam tuam, ut in ea perficiatur corpus unici Domini nostri, Dei nostri, et Salvatoris, Jesu Christi, in hac sancta ecclesia apostolica. Tibi gloria, et Filio tuo unico, et Spiritui sancto, nunc, et semper, et in sæcula sæculorum. Amen.

† Sanctificationem acceptabilem, remissionem peccatorum concedat nobis Deus Pater, cui laus, et honor, nunc, et semper, et in sæcula sæculorum. Amen.

Quando sacerdos offert hostiam super altare, dicit orationem sequentem :

Domine, Deus noster, qui suscepisti sacrificium Abel in deserto, et Noe in ara, et Abraham in summitate montis, et Eliæ in monte Carmeli, et David in arca Orna Jebusæi, et oblationem pauperum viduæ in templo sancto, sic oblationem meam, et omnium famulorum famularumque tuarum, offerentium in nomine sancto tuo, suscipe, ut pro meis et eorum peccatis sit redemptio. Et sicut nos offerimus, ita mercedem nobis retribue in præsentis sæculo, et in futuro, et in sæcula sæculorum. Amen.

Oratio, quando ponitur vinum et aqua in calice, a diacono. **A** de participatione et sacramento suo benedicto ut dimittantur nobis peccata nostra.

Vere Christe, Deus noster, et Domine noster, qui ad nuptias in Cana Galileæ vocatus fuisti, et eas benedixisti, et de aqua vinum fecisti; similiter fac, et † benedic, † sanctifica, et † purifica hoc vinum in conspectu tuo; et fiat exsultatio et vita animæ et corpori nostro, et in omni tempore nobiscum permaneant Pater, Filius, et Spiritus sanctus, quia non habemus alios deos præter te, Domine. Imple igitur nos vino exsultationis, salutis, et lætitiæ, vitæ, intellectus, et consilii Spiritus sancti, in sæcula sæculorum. Amen. † Benedictus Dominus Deus, Pater omnipotens. † Benedictus Filius unigenitus, Jesus Christus, qui natus est de Maria Virgine. † Benedictus Spiritus Paracletus, Deus noster, quibus **B** Patri, et Filio, et Spiritui sancto, vera fortitudo in sæcula sæculorum. Amen.

Postea replicet super calicem orationem.

Domine, Deus noster, qui suscepisti, etc. *Ut supra, in offerendo hostiam.*

Dicit sacerdos cantando et extendendo palmas sursum, ita tamen quod caput non excedant :

Unus Pater sanctus, unus Filius sanctus, et unus Spiritus sanctus.

Populus respondet : Amen.

Sacerdos, cantando dicit : Laudate Dominum, omnes gentes, laudate eum, omnes populi, quoniam confirmata est super nos misericordia ejus, et veritas Domini manet in æternum. Gloria Patri, etc.

Dicit diaconus : Surgite ad orationem.

Populus : Domine, miserere nostri.

Sacerdos : Pax vobis.

Populus : Et cum spiritu tuo.

Sacerdos, in gratiarum actionem, dicit orationem sequentem :

Gratias agamus benefactori nostro, Domino misericordii, Patri Domini Dei, et Redemptoris nostri Jesu Christi, quia protexit nos, auxiliatus est nobis, custodivit, et commendatos nos sibi reddidit, attraxit, amplexus est, confirmavit, et pervenire nos fecit ad hanc horam; rogemusque ipsum, ut etiam custodiat nos in hac die sancta, in omni tempore vitæ nostræ, et in omni pace, omnipotens Deus noster.

Diaconus dicit : Orate.

Sacerdos autem sequitur : Domine, o Domine, Pater **D** bone et omnipotens, Pater Domini Dei, et Redemptoris nostri Jesu Christi, laudamus te super omne opus, pro omni opere, et in omni opere, quia protexisti nos, auxiliatus es nobis, custodisti nos, et commendatos tibi nos reddidisti; attraxisti et amplexus es; confirmasti et pervenire fecisti usque ad hanc horam. Petimus quoque, et quæsumus a bonitate tuâ. o amator generis humani.

Diaconus dicit : Petite et rogare ut parcat nobis Dominus, et misereatur nostri, et suscipiat orationem quæ pro nobis sit a sanctis suis; et faciat nos dignos ut quæ præstat accipiamus; et sumamus

Sacerdos subsequitur : Ut perducamus hunc diem sanctum in omni tempore vitæ nostræ, in omni pace, cum timore tuo. Omnem invidiam, et omnem tentationem, et omne opus Satanae, consilium hominum malorum, insultationes inimici absconditas et manifestas, elonga et expelle a me et ab universo populo tuo, et ab hoc loco sancto tuo. Omnia bona, quidquid utique præstat et juvat, impetra eis per nos, quia tu es qui dedisti nobis potestatem ut calcaremus serpentem, et scorpionem et omnem vim inimici; ne inducas nos, Domine, in tentationem, sed redime et libera nos ab omni malo per gratiam et misericordiam et amorem erga humanum genus. Filii tui unici, Domini Dei et Redemptoris nostri Jesu Christi, cum quo, tibi una cum sancto Spiritu, et gloria, et potestas, nunc, et semper, et in sæcula sæculorum. Amen.

Pro offerentibus munera, sacerdos :

Iterum rogemus omnipotentem Deum, patrem Domini, Dei et Redemptoris nostri Jesu Christi, pro iis qui obtulerunt munera sanctæ, unicæ, quæ est super omnes, Ecclesiæ, sacrificium scilicet primarum decimarum gratiarum actionis signum et monumentum; seu autem quis multum obtulerit, seu parum, seu secreto, seu palam, seu volens et non habens, omnium amplectatur voluntatem qui cœlestem Spiritum donat, et in quo omnium bonorum operum est potestas, Dominus, Deus noster.

Caute ista lege, nam si vox Spiritus, sit in recto, dicit filium esse Spiritum Sancti, id est Patris, tuncque vox Spiritus capietur essentialiter, ut est communis tribus personis, non personaliter. Si vero sit in obliquo, certissimum est Christum secundum divinitatem nullo pacto esse Filium Spiritus sancti, nisi nomen Spiritus sancti essentialiter sumatur, nempe pro Patre quæ tamen est insolens et aliena locutio. Neque vero secundum humanitatem dici posse Christum filium Spiritus sancti docent theologi. Vide sanctum Thomam, part. iii, q. 32, art. 3.

Diaconus dicit : Orate pro iis qui obtulerunt munera.

Sacerdos : Domine, Deus omnipotens, rogamus te et quæsumus pro iis qui obtulerunt dona sanctæ, unicæ, quæ super omnes est, Ecclesiæ, seu multum obtulerint seu parum, sive secreto sive palam, sive volentes, et non habentes, omnium voluntatem acceptans, da unicuique eorum, pro præmio, benedictionem per unicum Filium tuum, cum quo tibi et sancto Spiritui est gloria et potestas, nunc, et semper, et in sæcula sæculorum. Amen.

Oratio oblationis sacræ : O princeps noster, Jesu Christe, cujus substantia creata non est, sed es purum Verbum; tu es Filius Patris et Spiritus sancti. Tu es panis vitæ, descendens de cœlo, qui antequam venires, eras in figura Agni immaculati pro redemptione mundi. Nunc bonitatem tuam super hunc panem et calicem in hoc altare portatile ostendas.

† Benedic, † sanctifica, † munda, et transfer panem hunc in carnem tuam immaculatam; et vinum hoc, in sanguinem tuum pretiosum. Fiat sacrificium ardens et acceptabile, medela et salus animæ et corpori nostro; quia tu es Rex noster et Christus Deus noster, omni laude, reverentia, et gloria tibi gratias agimus; cum Patre tuo cœlesti, Spiritu sancto vitali, nunc, et semper, et in sæcula sæculorum. Amen.

Diaconus : Flectite genua.

Populus : Ante te, Domine, flectimus, et te laudamus.

Coadjutor sacerdotis dicit quod sequitur :

Domine, Domine, Fili unice, Jesu Christe, Verbum Dei Patris, qui nobis per tuam salutiferam et vitalem passionem, peccatorum nostrorum vincula omnia dirupisti, qui in discipulorum sanctorum, immaculorum ministrorum tuorum faciem insufflasti, dicendo : *Accipite Spiritum sanctum : quorum remisistis peccata remittuntur eis, et quorum retinueritis, retenta sunt*; præsta, Domine, sicut eis hoc officium sacerdotale Ecclesia sancta tua, cum potestate ligandi et absolvendi in omni tempore peccata et vincula iniquitatum nostrarum, tribuisti, ita bonitatem et clementiam tuam imploramus, o amator hominum, ut absolvant nos servos tuos, et parentes, fratres, sorores, et amicos nostros, et me peccatorem, et omnes capita sua inclinantes ante conspectum tuum in hoc sacrificio sancto tuo; dirige nos, Domine, in viam misericordiæ tuæ; dirumpe et frange omnia vincula peccatorum nostrorum.

O Domine, si scienter aut ignoranter, aut malitia cordis, levitate spiritus, aut inclinatione et macula carnis, factis, verbis, et temporibus peccavimus tibi, parce, Domine, quia scis fragilitatem nostram. O optime Domine universi, et amator hominum, concede nobis remissionem peccatorum nostrorum. † Benedic, et † sanctifica, † mundifica et odorifica, et fac nos liberos et absolutos. Absolve pontifices, principes, et reges nostros; patriarchas, archiepiscopos, episcopos, sacerdotes, diaconos, et ministros nostros, et populum tuum, parentes et fratres nostros. Memento, Domine, dormientium principum, pontificum, regum, patriarcharum, archiepiscoporum, episcoporum, sacerdotum, diaconorum, et ministrorum tuorum, parentum nostrorum, et omnium in recta fide quiescentium, et imple nos timore nominis tui, dirige nos facere voluntatem tuam. Sit tibi gloria, et honor, quia tu solus eis dignus es, in sæcula sæculorum. Amen.

Servi tui hodie ministrantes, sacerdos, diaconus, et omnes ministri, populus, et ego pauper servus tuus et peccator, absolvamur per os Trinitatis sanctæ Patris, Filii et Spiritus sancti et beatæ Mariæ cœli secundi, Matris Dei : per os Michaelis, Gabrielis, et omnium archangelorum, et nonaginta novem ordinum angelorum, et mille millium ministrantium, et quorum nomina numerare nescimus; et quatuor animalium, et viginti quatuor seniorum, et primo-

rum sanctorum patrum; et quindecim prophetarum, et duodecim eorum filiorum; et per os duodecim apostolorum, et sancti Jacobi episcopi Hierosolymitani, et sancti Pauli, Timothei, Syllæ, Barnabæ, Titi, Philemonis, Clementis, et omnium septuaginta duorum discipulorum, et quingentorum suorum sociorum : et per os sancti Marci divinitatem clamantis, et aliorum evangelistarum; et per os trecentorum et decem et octo episcoporum, qui pro recta fide in synodo Nicæna congregati fuerunt, et centum quinquaginta in Constantinopolitano, et ducentorum in synodo Ephesina; et per os pontificis nostri Saviros, Joannis Chrysostomi oris aurei, Cyrilli, Basilii, Theophili, Athanasii, Gregorii, et pontificum nostrorum, Matthæi, Gabrielis, Joannis, Salamæ, Bartholomæi, Isaac, Marcii, et per os Ecclesiæ unice quæ congregata fuit per apostolos sanctos; et per me peccatorem absolvamini, et impleamini gratia ad gloriam et honorem, Patris, Filii, et Spiritus sancti. Amen.

Hic, sacerdos declarat epacta, aureum numerum, mobilia et immobilia festa, indulgentias, et omnes ritus et ceremonias a principio usque ad finem, et in vivorum et defunctorum memoriam effundit incensum, et prosequitur hanc orationem ponendo ter incensum in thuribulo, dicens :

† Benedictus Pater omnipotens. † Benedictus Filius unicus Jesus Christus. † Benedictus Spiritus Paracletus, quibus nunc, et semper honor, et gloria. Amen.

Deinde circumcirca altare incensando, dicit :

Alleluia Patri, Alleluia Filio, Alleluia Spiritui sancto nunc, et semper, et in sæcula sæculorum. Amen.

† O Deus in æternum; tu es ante et post, qui cares principio et fine, magnus providentia, potens in opere et prudens in consilio, quæ omnia in omnibus demonstratur. Oramus, et supplices te rogamus, Domine, ut in hac die nobiscum maneat, et faciem tuam super nos ostendas; nobiscum habita, dele peccata et iniquitates nostras quæ voluntarie et involuntarie, scienter et ignoranter fecimus, munda cor nostrum, et sanctifica animam nostram. Permite nos tibi appropinquare. Oblatio, et gratiarum sacrificium, incensum spirituale intret et ascendat in conspectu sanctitatis tuæ.

Cum incensat altare, dicit orationem :

Memento, Domine, unice Ecclesiæ tuæ sanctæ apostolicæ, et congregationis tuæ, quam possedisti ab initio. Memento, Domine, principis nostri, N., et antistitem Patrum nostrorum, patriarcharum, archiepiscoporum, episcoporum, sacerdotum, diaconorum, et omnium apostolicæ fidei cultorum. Memento, Domine, regis nostri, N., et omnium regum Christianorum, parentum, famulorum famularumque tuarum, fratrum et sororum omnium fidelium dormientium, et in signo rectæ fidei quiescentium. Memento, Domine, congregationum nostrarum, et benedic eis.

Diaconus dicit : Surgite in orationem.
Sacerdos : Pax vobis.
Populus : Et cum spiritu tuo.
Sacerdos, magna voce sequitur ter : Adoramus Patrem, Filium, et Spiritum sanctum, trinum et unum.
Populi replicant idem ter.
Sacerdos sequitur : Pax tibi, sancta Ecclesia, habitatio pacis. Salve, virgo Maria, Dei genitrix, tu es thuribulum aureum, quæ carbonem ignitum portasti. Benedictus qui eum de sanctuario recipit, quia vere Verbum Dei ipse est, qui peccata remittit et culpam delet, et ex te homo factus est, et Patri seipsum verum incensum et pretiosum sacrificium obtulit. Adoramus te, Christe, cum Patre tuo optimo et misericorde, et Spiritu tuo vitali, quia tu venisti, et liberasti nos.
Populus replicat idem.
Postea coadjutor sacerdotis sequitur orationem :
 Domine intelligentiæ, et annuntiator sapientiæ quæ prius nobis abscondita erat, eam manifestasti, Domine largitor verbi exsultationis et lætitiæ, prædicantibus magnificentiam virtutis tuæ. Tu es qui Paulum, multitudine bonitatis tuæ, vocasti, qui prius erat persecutor Ecclesiæ, et constituisti eum Vas electionis regni tui, et Evangelii apostolum et prædicatorem elegisti, et concionatorem regni tui.
 O Christe. Deus noster, tu es optimus amator hominum, concede nobis, quæsumus, sapientiam, intelligentiam, scientiam et intellectum, quæ semper nobiscum permaneant, ut sapiamus, intelligamus, sciamus et perspiciamus scripturam sanctitatis tuæ, quæ in conspectu tuo legitur. Sicut dono dedisti Paulo, et dignum tanta gratia eum fecisti, ita nos, quæsumus, quoque dignos fac, caput vitæ, ut eum imitemur, et in viam ejus ambulemus, et ejus vestigia sequamur, et nomen tuum sanctum laudemus, et in cruce tua in omni tempore gloriemur, sicut et ipse semper gloriatus fuit. Tibi virtus, regnum, triumphus, magnificentia, honor, et gloria, in sæcula sæculorum. Amen.
Diaconus antequam legatur Epistola, dicit : Omnes qui non amant Dominum nostrum, et in nativitate suam minime credunt, et in sanctam Mariam Virginem, anathema sint usque ad adventum ejus.
Deinde legitur Epistola Pauli, quæ occurrit, et usque libet secundum diem occurrentem. Lecta Epistola, dicit diaconus :
 Gloria Patris, amor Filii, et donum Spiritus sancti, quæ descenderunt super apostolos benedictos et mundos in Sion loco sancto, duplicentur super nos, Christianos, in sæcula sæculorum. Amen.
Populus : O bone minister, sancte Paule, sanator infirmorum, qui coronam recepisti, ora et intercede pro nobis, ut liberetur anima nostra propter multitudinem miserationum Jesu Christi, et sancti nominis sui.
Dicit diaconus : Surgite ad orationem.
Populus : Domine, miserere nostri.
Sacerdos : Pax vobis.

A *Populus* : Et cum spiritu tuo.
Sacerdos sequitur orationem signatum sub signo † ut supra, incipientem: O Deus, in æternum tu es, etc.
Minister sive subdiaconus, ante Epistolam dicit :
De Epistola Petri, sive alterius apostoli : Discipulus et apostolus Domini, et Salvatoris nostri Jesu Christi, cujus oratio et benedictio sit super nos semper. Amen.
Postea magna voce dicit Epistolam :
Finita et lecta Epistola, diaconus sequitur :
 Fratres mei, nolite diligere mundum, neque ea quæ sunt in mundo, quoniam omne quod est in mundo, concupiscentia est carnis, concupiscentia oculorum, et superbia vitæ; quæ non ex Patre, sed ex mundo est; et mundus transit, et concupiscentia ejus. Qui autem facit voluntatem ejus manet in æternum.
B *Dicunt populi* : Sanctus trinus et unus in substantia tua, custodi congregationem nostram, propter sanctos electos tuos et discipulos tuos, consolare nos per misericordiam tuam, et propter nomen sanctum tuum.
Dicit diaconus : Surgite in orationem.
Populus : Domine, miserere nobis.
Sacerdos : Pax vobis.
Populus : Et cum spiritu tuo.
Sacerdos : Domine, Dominus noster, et Deus noster; tu es qui apostolis tuis sanctis mysterium gloriæ Christi tui manifestasti, et magna et innumerabilia dona eis tribuisti. divitias et secreta misericordiæ tuæ, eos ad prædicandum misisti. Propitius esto, Domine, et concedere dignare, facere nos participes et consortes hereditatis eorum, et ambulare et sequi vestigia eorum. Præsta, quæsumus, ut in omni tempore eis similes simus, et in eorum amore fortificemur, et eorum labores participemus. Custodi, Domine, Ecclesiam Christianam sanctam, in bona adoratione, quæ ædificata et fundata fuit per apostolos sanctos.
Sacerdos sequitur erga populum :
 † Benedic gregi, et agnis tuis, multiplica, Domine, hanc uvarum vitem, quam per manus tuas sanctas, per Dominum nostrum Jesum Christum, plantasti; cui, et tibi, et Spiritu sancto gloria et potentia, et nunc, et semper, et in sæcula sæculorum. Amen.
D *Hic sacerdos ponit incensum in thuribulo, dicens* :
 Domine, Deus noster, qui sacrificium Abraham patris nostri suscepisti, et pro vice et salvatione Isaac filii ejus, agnum descendere fecisti; sic, Domine, odorem istius incensi suscipe, et sicut sacrificium illius agni recepisti, ita, Domine, mitte divitias gratiæ et misericordiæ tuæ. Fac nos puros et mundos ab omnibus malis odoribus peccatorum, et tuæ virtutis et majestatis dignos in laudemunditiæ tuæ. O amator hominum, fac nos justos sine macula, cum lætitia omnibus diebus vitæ nostræ.
Sequitur : Memento, Domine, unicæ Ecclesiæ tuæ sanctæ, quæ de fine usque ad finem, in toto orbe

terrarum, in apostolis tuis congregata fuit. Lætare, A Domina, quia salutem sanctam deprecamur. O Virgo, Mater Dei et Christi, in omni tempore effer sursum et in altum orationem nostram apud electos Filii tui, ut remittantur peccata nostra. Lætare, Domina, quia peperisti nobis lumen verum, Jesum Christum, Dominum nostrum. Ora pro nobis apud eum, ut misereatur animæ nostræ; ora pro nobis in conspectu throni Filii tui, Jesu Christi. Lætare, Immaculata, vere Regina. Lætare, Gloria nostrorum parentum, quia peperisti nobis Emmanuelem. O vere mediatrix ante Dominum nostrum Jesum Christum, te supplices exoramus ut memor sis nostri. Ora pro nobis ut deleantur iniquitates nostræ.

Coadjutor sacerdos, antequam legantur Acta apostolorum : Hoc est opus et dicta nostrorum Patrum, apostolorum sanctorum et immaculorum. Gratia B Spiritus sancti, et misericordia duplicetur super nos, et omnes Christianos. Amen.

Postea legitur ex Actis apostolorum, sceundum diem occurrentem. Finita lectione, sequitur :

Verba Domini magna, multiplicata in Ecclesia sancta, populos credentes in Dominum Jesum Christum multiplicaverunt, cui gloria in sæcula sæculorum.

Populus respondet : Amen.

Postea sequitur : Sanctus, sanctus, sanctus, Dominus Pater omnipotens, Sanctus, sanctus, sanctus, unicus Jesus Christus Filius, Verbum Patris. Sanctus, sanctus, sanctus, Spiritus sanctus, sciens omnia.

Dicit diaconus : Surgite in orationem.

Populus : Domine, miserere nobis.

Sacerdos : Pax vobis.

Populus : Et cum spiritu tuo.

Sacerdos : Domine, Deus noster, Jesu Christe, qui dixisti discipulis tuis sanctis et electis : Multi prophetae et justis desideraverunt videre quæ vos videtis, et audire quæ auditis, et non viderunt neque audierunt, sed beati oculi vestri et aures vestræ, videntes et audientes; sic nos fac dignos audire et facere verba Evangelii tui sancti, per orationes et preces sanctorum tuorum.

Diaconus dicit : Orate.

Sequitur sacerdos : Memento iterum, Domine, verborum tuorum, pro illis qui se orationibus nostris commendaverunt, quando oramus ad te, Domine Deus noster, memento dormientium, et in recta fidele quiescentium; et concede infirmis sanitatem, quia tu es vita, spes, liberator, et resurrectio omnium; tibi gratias referimus in æternum, et in sæcula sæculorum. Amen.

Diaconus accipiens crucem, dicit :

Orate ut digni efficiamini audire Evangelium.

Postea cantat : Benedicam Domino in omni tempore, semper laus ejus in ore meo. In Domino laudabitur anima mea, etc.

Sacerdos idem dicit; Populus ter idem dicit : et in ultimo versu semper dicitur, Alleluia.

Diaconus circuit ecclesiam claudendo : Surgite, audite Evangelium sanctum et bonam annuntiationem Domini nostri, et Salvatoris nostri Jesu Christi.

Postea, coadjutor accipit thuribulum et porrigit sacerdoti, qui ter incensat, accipiendo Evangelium erga populum, et dicit :

Magnus Deus, benedicet nos, et populum Christianum, et fac introitum nostrum in ecclesia tua sancta, una cum angelis sanctis qui serviunt Deo, et laudant eum omni tempore, in sæcula sæculorum. Amen.

Sacerdos annuntiat Evangelium, sic cantando :

Sanctum Evangelium, quod annuntiavit Matthæus, vel Marcus, vel Lucas, vel Joannes.

Ministri accendunt lumina, et præparant alia necessaria, et dicunt :

Gloria Christo, et Domino nostro, et Deo nostro semper; exultate in Domino, qui auxiliatur nobis, et psallite Deo Jacob, accipite psalterium in cythara, etc.

Sacerdos alta voce legit Evangelium diei. Diaconus, finito Evangelio, dicit :

Exite foras, qui non vultis accipere sacramentum, sive Eucharistiam. Ite catechumeni.

Ministri dicunt : Et illi, Cherubin et Seraphia reddant gloriam : Sanctus, sanctus, sanctus, et sanctus Omnipotens. Pleni sunt cæli et terra gloriæ et sanctitatis tuæ. Adoramus te, Christe, cum Patre tuo optimo, et misericorde, et Spiritu sancto vitali; ut venisti et liberasti nos.

Diaconus dicit : Surgite in orationem.

C Populus : Domine, miserere nostri.

Sacerdos : Pax vobis.

Populus : Et cum spiritu tuo.

Diaconus dicit : Surgite ad orationem.

Sacerdos dicit : Pax omnibus vobis. Et iterum rogemus omnipotentem Deum Patrem Domini et Dei ac Salvatoris nostri Jesu Christi. Rogamus et petimus a bonitate tua, o amator hominum; recordare, Domine, pacis Ecclesiæ sanctæ in unum per apostolos congregatæ.

Diaconus dicit : Orate pro hac Ecclesia sancta, in unum per apostolos congregata, recta in Domino.

Populus dicit : Domine, Deus noster, da nobis pacem; Domine, Deus noster, da nobis pacem; Christe, rex noster, miserere nobis.

Sacerdos dicit :

Eam quæ fuit a principio, et erit usque in finem sæculi, omnes populos, et omnes greges benedic. Pacem de cælo mitte super omnes animas nostras; pacem vitæ nostræ da nobis per ipsam Ecclesiam. Da, Domine, pacem regi nostro N., et principibus ejus, ac judicibus ejus, et subditis ejus, et circa nos congregatis, tam extra quam intra Ecclesiam. Orna eos omni genere pacis, Rex pacis; pacem da nobis, quoniam omnia dedisti nobis; conserva nos, Domine; quoniam præter te neminem cognoscimus: nomen sanctum tuum neminamus et invocamus, ut vivat anima nostra in Spiritu sancto

nec invalescat mors peccati, super nos servos tuos et super omnem populum tuum.

Pro pontificibus.

Et iterum rogemus omnipotentem Deum, Patrem Domini et Dei ac Salvatoris nostri Jesu Christi. Rogamus et petimus a bonitate tua, o amator hominum, recordare, Domine, Patris nostri venerandi principis archiepiscoporum nostrorum, N., ac sancti et beati antistitis nostri, N.

Diaconus dicit : Orate pro principe nostro, principe nostrorum archiepiscoporum N., et capite episcoporum magnæ provinciæ Alexandriæ ; pro capite patriæ nostræ, venerando archiepiscopo nostro N., ac omnibus episcopis, sacerdotibus, et diaconis rectæ fidei.

Sacerdos dicit : Custodiendo custodi eos nobis, multis annis et longo tempore in justitia et pace ; ut perficiant consecrationem quam tu commisisti dignitati sacerdotali, secundum sanctam ac beatam voluntatem tuam ; ut judicent in justitia et rectitudine, et pascant populos tuos in æquitate. Custodiendo custodi etiam omnes episcopos, sacerdotes, et diaconos rectæ fidei, et omnes conformes sanctæ et unicæ Ecclesiæ quæ est congregatio apostolica ; orationes vero quas pro nobis et pro universis populis tuis faciunt, accepta in sacrificium tuum altissimum in odore bonæ suavitatis, et omnes hostes et adversarios eorum dissipa, et confringe sub pedibus eorum velociter. Ipsos vero custodi nobis in justitia et pace in Ecclesia sancta tua.

Pro congregatis.

Sacerdos dicit : Et iterum rogemus omnipotentem Deum, Patrem Domini, et Dei, ac Salvatoris nostri Jesu Christi. Querimus et rogamus a bonitate tua, o amator hominum. Recordare, Domine, congregationis nostræ, et benedic ei.

Diaconus dicit : Orate pro hac ecclesia sancta, et nostra congregatione quæ in ea est.

Populus dicit : Benedic congregationi nostræ, et custodi eam in pace.

Diaconus dicit : In sapientia Domini dicite et canite orationem fidei.

Populus dicit : Credo in unum Deum, Patrem omnipotentem, factorem cœli et terræ, visibilia omnium et invisibilia. Et in unum Dominum Jesum Christum, Filium Dei unigenitum ; et ex Patre natum ante omnia sæcula, Deum de Deo, lumen de lumine, Deum verum de Deo vero. Genitum non factum, consubstantialem Patri, per quem omnia facta sunt. Qui propter nos homines, et propter nostram salutem descendit de cœlis. Et incarnatus est de Spiritu sancto, ex Maria Virgine, et homo factus est. Crucifixus etiam pro nobis sub Pontio Pilato, passus et sepultus est. Et resurrexit tertia die secundum Scripturas. Et ascendit in cœlum, sedet ad dexteram Patris. Et iterum venturus est cum gloria judicare vivos et mortuos ; cujus regni non erit finis. Et in Spiritum sanctum Dominum et vivificantem, qui ex Patre Filioque procedit. Qui cum

A Patre et Filio simul adoratur et conglorificatur. Qui locutus est per prophetas. Et unam sanctam catholicam, et apostolicam Ecclesiam. Confiteor unum baptisma in remissionem peccatorum : et exspecto resurrectionem mortuorum, et vitam venturi sæculi Amen.

Sacerdos dicit : Fac eos ut sint tibi sine divisione, et sine pigritia faciant voluntatem tuam sanctam et beatam. Fac eos domum orationis, domum puritatis, domum abundantiae et gratiæ, gratificare, Domine, nobis servis tuis, et post nos venturis in sæculum. Exsurge Domine, Deus noster, et dissipentur inimici tui, et fugiant ante faciem tuam omnes qui oderunt sanctum et benedictum nomen tuum. Populi autem tui sint benedicti millies millibus, et iterum millies millibus benedictionum, faciantque omnem voluntatem tuam, per gratiam, benignitatem, ac amorem homines Filii tui unigeniti Domini Dei, et Salvatoris nostri Jesu Christi ; cui, et tibi, ac Spiritu sancto sit gloria et potentia, nunc et semper, et in sæcula sæculorum. Amen.

Oratio pro pace perfecta, sacerdos dicit :

Magnus et æternus Dominus psalmavit hominem immaculatum, incorruptibilem. Mors autem ingressa est a principio in mundum ob invidiam diaboli. Tu, Domine, eripuisti vim ejus per adventum unigeniti Filii tui Domini Dei et Salvatoris nostri Jesu Christi, et implevisti totam terram pace tua. Propterea cœlestes legiones laudant te dicentes : Gloria Domino in cœlis, et pax in terra hominibus bonæ voluntatis.

Diaconus dicit : Orate pro pace perfecta et amabili ac salutifera et apostolica : Salutate vos invicem. Qui communicare non vultis, discedite. Qui autem vultis communicare, amplectimini invicem in plenitudine cordis. Qui communicat custodiat se a malo.

Sacerdos dicit : O Domine, ex beneplacito tuo imple corda nostra pace tua, et munda nos ab omni mala cogitatione et immunditia, et ab omni memoria injuriarum, et ab omni invidia, et recordatione malorum, quæ mortem inferunt. O Domine, fac nos omne dignos ut salutemur ad invicem salutatione sancta et immaculata, et recipiamus sine judicio et sine morte donum tuum cœlestis, hoc est, gratiam tuam cum Spiritu sancto.

Populus dicit : Christe, Deus noster, fac nos dignos salutandi te salutatione cœlesti, ac laudandi te una cum Cherubim et Seraphim, dicentes : Sanctus, sanctus, sanctus, Omnipotens. Pleni sunt cœli et terra sanctitate gloriæ tuæ.

Sacerdos dicit . Dominus vobiscum, sanctus inter sanctos, sanctus inter sanctos, sanctus inter sanctos. Gratias agimus tibi, Domine, per dilectum unigenitum Filium tuum, Dominum Deum, et Servatorem nostrum Jesum Christum, quem in posteriori tempore misisti nobis Filium tuum, Servatorem et Redemptorem, nuntium consilii tui, qui Verbum

tuum est, et per quem omnia fecisti secundum voluntatem tuam.

Diaconus dicit : Per beatum et sanctum patriarcham nostrum N., et per venerandum antistitem nostrum N., qui suis orationibus et precibus laudant te; per Stephanum protomartyrem, Zachariam sacerdotem, Joannem Baptistam; per omnes sanctos martyres qui in fide Jesu Christi quieverunt; per Matthæum, Marcum, Lucam, et Joannem evangelistas; per Mariam Dei genitricem; per Simonem Petrum, Andream, Jacobum, Joannem, Philippum, Bartholomæum, Thomam, Matthæum, Thadæum, Nathanael, Jacobum Alphaei (2), et Matthiam apostolos; per Jacobum apostolum fratrem Domini nostri, episcopum Jerusalem sanctæ; per Paulum, Timotheum, Silam, Barnabam, Titum, Philemonem, Clementem, et per septuaginta duos discipulos, et quingentos socios eorum, ac per trecentos decem et octo rectæ fidei Patres, visita nos et fac nos participes orationum eorum omnium: et super omnia recordare catholicæ et apostolicæ Ecclesiæ in pace, pretioso sanguine per Christum ædificatæ. Recordare etiam omnium patriarcharum archiepiscoporum, episcoporum, sacerdotum, et diaconorum, qui dirigunt viam verbi, quod est in veritate.

Dicit populus : Miserere, Domine, animarum servorum tuorum et ancillarum tuarum, qui manducarunt carnem tuam et biberunt tuum sanguinem, et in fide tua quieverunt.

Oratio benedictionis.

Sacerdos dicit : O sancta Trinitas, Pater, Fili et Spiritus sancte, benedic super populum tuum Christianum electum benedictione cœlesti, et mitte super nos gratiam Spiritus sancti. Aperi nobis fores Ecclesiæ tuæ sanctæ, propter misericordiam tuam et fidem nostram. Perfice in nobis fidem Trinitatis usque ad extremum spiritum, o princeps noster, Jesu Christe, visita infirmum populum tuum, et sana eum. Dirige patres nostros et fratres nostros peregrinantes, reduc eos ad lares suos, cum salute et pace; benedic ventos cœli, et pluvias, ac fructus terræ præsentis anni pro gratia tua; præbe semper gaudium et delicias super faciem terræ, et corroborata super nos pacem tuam. Induc corda regum proborum ad benefaciendum nobis, da gratiose honorem principibus Ecclesiæ sanctæ, singulis eorum juxta eorum nomen, in conspectu regum potentium fac eos gratos. O Domine, præbe requiem animabus patrum et fratrum nostrorum, qui in recta fide dormiunt et quiescunt, et benedic his qui laborant circa thura, circa sacrificia, circa vinum, circa oleum, ac butyrum, et circa cortinas, et circa etiam libros, et cathedras, circa res omnes sanctæ Ecclesiæ, ut Jesus Christus Deus noster remuneretur eos in cœlesti Jerusalem. Miserere omnium qui nobiscum congregati sunt ad quærendam misericordiam Dei nostri Jesu Christi, et om-

nibus illis qui nobis eleemosynam tribuerunt, in sede judicii tui mitis sis et placidus. Libera, Domine, ob multitudinem misericordiæ tuæ, omnes animas inopes et afflictas, carceratos quoque ac captivos et exules ac in servitute adactos, et in amaris laboribus detentos. Recordare, Domine noster, Jesu Christe, in regno cœlorum, omnium illorum qui a nobis petierunt ut recordaremur eorum. O Domine, libera populum tuum et benedic hereditati tuæ, ac nutri eum et exalta usque in sæculum. Custodi eos in recta fide et in gloria, omni tempore, et fac ut ferveant ineffabili et inexcogitabili charitate, per preces ac intercessionem quam pro nobis facit Domina nostra sancta et immaculata virgo Maria; et per preces majorum angelorum splendentium, Michaelis, et Gabrielis, ac Raphaelis, et Urielis, et quatuor animalium sine carne, et viginti quatuor seniorum cœli; et Patrum nostrorum sanctorum patriarcharum, Abraham, Isaac, et Jacob, et omnium proborum Patrum priorum, ac quindecim Patrum nostrorum prophetarum, ac sancti Joannis Baptistæ, et quatuordecim millium puerorum Bethlehem, et Patrum nostrorum duodecim principum apostolorum, et septuaginta duorum discipulorum, et quingentorum sociorum eorum; ac trium puerorum, Ananiæ, Azariæ, et Misael; ac sancti Marci evangelistæ et martyris, et sancti Stephani archidiaconi, protomartyris, et sancti Georgii stellæ honoris, Theodori, Banadlii, Claudii, Minas electi, Cosmæ et Damiani, et Patrum nostrorum, principum episcoporum trecentorum decem et octo qui fuerunt Nicæ, et centum quinquaginta qui fuerunt Constantinopoli, et ducentorum qui fuerunt Ephesi; et Tecla Aimanor, quorum orationes et benedictiones et auxilium ac gratia sit nobiscum in sæcula sæculorum. Amen. Istorum et illorum omnium animabus requiem tribue, et miserere eorum, ob id enim misisti e cœlo Filium tuum in uterum Virginis.

Diaconus dicit : Qui sedetis, surgite.

Sacerdos dicit : In quo portatus, caro factus est, et notus per Spiritum sanctum in ejus nativitate.

Diaconus dicit : Aspice ad ortum.

Sacerdos dicit : Coram te assistant millia millium sanctorum angelorum, et principum eorum.

Diaconus dicit : Aspiciamus.

Sacerdos dicit : Honorata quoque animalia, sex alas habentia, Seraphim et Cherubim qui cum duabus alis suis faciem suam, et cum duabus pedes suos tegunt; cum duabus vero volant a fine mundi ad finem; sicut semper te sanctificant et laudant, sic a nobis sanctificationem nostram recipias, qui dicimus assidue: Sanctus.

Diaconus dicit : Dicite.

Populus dicit : Sanctus, sanctus, sanctus, Dominus Sabaoth. Perfecte pleni sunt cœli et terra sanctitate gloriæ tuæ.

(2) Existimant Æthiopes in hac liturgia Jacobum Alphaei apostolorum alium fuisse a Jacobo fratre Domini.

Sacerdos dicit : Vere pleni sunt cœli et terra sanctitate gloriæ tuæ, per Dominum, et servatorem nostrum Jesum Christum, cum Spiritu sancto in sæcula sæculorum. Amen. Sanctus Filius tuus venit ex Virgine ut voluntatem tuam adimpleret, et populum sanctum tibi ordinaret. ■

Populus dicit : Secundum misericordiam tuam, Domine, nec secundum peccata nostra.

Sacerdos dicit : Extendit manus suas ad infirmitatem. Infirmatus est ut infirmos sanaret in se sperantes. Qui etiam datus est per voluntatem suam infirmitati, ut mortem destrueret, et vincula diaboli dissolveret, et calcaret infernum, probos dirigeret, ordinem plantaret, et resurrectionem suam manifestaret. In ea nocte in qua traditus est, accepit panem in sanctas ac beatas et sine macula manus suas, inspexit in cœlum ad te Patrem suum, gratias egit, benedixit, et sanctificavit, et dedit discipulis suis dicens: Accipite et comedite ex eo omnes: Hoc est corpus meum, quod pro vobis tradetur in remissionem peccatorum. Amen.

Populus dicit : Amen, amen, amen. Credimus et confidimus, et laudamus te, o Domine, Deus noster. Hoc vere corpus tuum est.

Sacerdos dicit : Similiter calicem, gratias agens, benedixit, et sanctificavit, et dixit eis: Accipite et bibite ex eo omnes: Hic est calix sanguinis mei qui pro vobis effundetur et pro redemptione multorum. Amen.

Populus dicit : Amen, amen, amen. Credimus et confidimus, et laudamus te, o Domine, Deus noster. Hic vere sanguis tuus est.

Sacerdos dicit : Quoties hoc feceritis, in mei memoriam facietis.

Populus dicit : Annuntiamus mortem tuam, Domine, et sanctam resurrectionem tuam; credimus ascensionem tuam, et secundum adventum tuum; rogamus te, Domine Deus noster; hæc vera esse credimus.

Sacerdos dicit : Nunc autem recordamur mortis tuæ et resurrectionis tuæ, offerimusque tibi hunc panem et hunc calicem, tibi que gratias agimus quod per hoc sacrificium dignos nos fecisti standi in conspectu tuo, et sacerdotale officium coram te exsequendi; oramus te, Domine, et a te instanter petimus ut mittas Spiritum sanctum super hunc panem et hunc calicem, videlicet corpus et sanguinem Domini et servatoris nostri Jesu Christi, in sæcula sæculorum. Amen. Tribue simul omnibus ex eo sumentibus, ut fiat eis ad sanctificationem et plenitudinem Spiritus sancti et ad corroborationem fidei, ut sanctificent et laudent te, per Dominum et servatorem nostrum Jesum Christum cum sancto Spiritu, in sæcula sæculorum. Amen.

Diaconus dicit : Quæsumus te, Domine, Deus noster, toto corde, ut des nobis bonam Spiritus sancti unionem.

Sacerdos sequitur : Da nobis ut conjugamur in

A Spiritu sancto tuo, et sana nos per hoc sacrificium, ut in te salvi simus, per omnia sæcula sæculorum. Amen.

Benedictum sit nomen Domini, et benedictus qui venit in nomine Domini, et benedictum nomen gloriæ ejus. Fiat, fiat, fiat.

Populus dicit : Benedictum sit nomen Domini, et benedictus qui venit in nomine Domini, et benedictum nomen gloriæ ejus. Fiat, fiat, fiat.

Sacerdos dicit : Mitte gratiam Spiritus sancti super nos, Domine.

Diaconus dicit : Surgite ad orationem.

Sacerdos dicit ad orationem fragmenti :

B Confiteor tibi, Domine, Deus meus omnipotens, qui sedes super thronum Cherubim et habitas super excelsa, et laudaris ab humilibus, qui in splendore existens, mundum cognovisti et absconditum mysterium in cruce nobis ostendisti. Quis Deus misericors, et sanctus sicut tu? Potestas tua non est elongata a nobis, quam tuis dedisti discipulis qui mundo et sincero corde tibi serviunt et offerunt tibi sacrificium suaveolentis odoris, per Dominum et Servatorem nostrum Jesum Christum cui, et tibi, et Spiritui sancto sit gratia, honor, et gloria, in sæcula sæculorum.

Diaconus dicit : Qui statis, humiliate capita vestra.

Sacerdos dicit : Domine, qui habitas super Cherubim, et respicis super populum tuum et hereditatem tuam, benedic servos tuos et ancillas tuas, et filios eorum; portionem tribue eis qui de miraculosa mensa tua sumere veniunt pro mentis purgatione, et peccatorum remissione, unioneque Spiritus sancti ac salute animæ et corporis, et hereditate regni cœlorum, cum honore et voluntate, per unicum Filium tuum, cui, et tibi cum eo, et cum Spiritu sancto laus et gloria, nunc, et semper, et in sæcula sæculorum. Amen.

Dicit subdiaconus cum populo : Exercitus angelorum Salvatoris mundi stant coram eo, et legunt corpus et sanguinem Domini et Salvatoris nostri Jesu Christi: accedamus ante faciem ejus, et in fide eum revereamur.

Diaconus dicit : Adorate Deum cum timore.

D *Sacerdos dicit* : Domine Deus omnipotens, salus animæ et corporis nostri, qui per os Filii tui unigeniti, Domini Dei, et servatoris nostri Jesu Christi, dixisti Patri nostro Petro: Tu es Petrus, et super hanc petram ædificabo Ecclesiam meam, et porta inferni non prævalebunt adversus eam concutendam, et tibi dabo claves regni cœlorum, quemcumque ligaveris super terram erit ligatus in cœlis, et quemcumque solveris super terram erit solutus in cœlis, sint soluti servi tui et ancillæ tuæ, ab ore sanctæ Trinitatis, Patris, et Filii, et Spiritus sancti, et etiam ab ore meo, servo tuo peccatore et culpæ pleno. Domine, Deus noster, tu tollis peccata mundi, suscipe pœnitentiam servorum tuorum, et ancillarum tuarum. Oriri fac super eos lumen vitæ. Evellere

ab eis peccata eorum, quoniam tu es misericors et miserator, Domine, Deus noster, alienus ab ira, abundans misericordiae, et vere justus. Quando in te peccamus, Domine, aut cogitatione, aut verbo, aut opere, parce, evelle, et compatere, quoniam tu es misericors et hominum amator. Domine Deus noster, solve nos omnes, et omnes populos tuos : solve, Domine, summum pontificem nostrum N., et sanctum ac beatum antistitem nostrum N., et omnes alios pontifices episcopos, sacerdotes et diaconos, juxta eorum nomina custodiendo custodi eos propter nos, ad multos annos et ad longos dies, in justitia et pace. Solve, Domine, regem nostrum, N., ab omni vinculo delictorum. Memento, Domine, omnium dormientium et quiescentium in fide Christi, colloca animas eorum in sinu Abraham, Isaac, et Jacob, et libera nos ab omnibus culpis et maledictionibus, et ab omnibus abnegationibus veritatis, et ab omnibus perjuriis, ac communionem infidelium, et gentilium, ac hæreticorum. Da nobis cor et intelligentiam aufugiendi ab omnibus operibus diaboli; da nobis ut faciamus voluntatem tuam in omni tempore, et describe nomina nostra in regnis cælorum, et conjunge cum omnibus sanctis et martyribus per Jesum Christum Dominum nostrum, cui, ac tibi, et Spiritui sancto sit gloria, et potentia, nunc et semper, et in sæcula sæculorum. Amen.

Diaconus dicit : Inspiciamus.

Sacerdos, Sanctum date sanctis.

Populus dicit : Unus pater sanctus, unus Filius sanctus, unus est Spiritus sanctus.

Sacerdos dicit : Dominus vobiscum sit.

Populus dicit : Et cum spiritu tuo.

Sacerdos, elevans sacramentum, dicit alta voce :

Domine, Jesu Christe, miserere nostri; Domine, Jesu Christe, miserere nostri; Domine, Jesu Christe, miserere nostri.

Populi reiterant eadem verba.

Sacerdos dicit : Oremus, qui estis pœnitentes. Humiliate capita vestra. Surgite ad adorandum. Pax omnibus vobis.

Populus dicit : Et cum spiritu tuo.

Sacerdos dicit : Hoc est corpus sanctum, honoratum et vitale Domini et servatoris nostri Jesu Christi, quod datum est in remissionem peccatorum et ad vitam æternam consequendam, vere sumentibus ipsum. Amen. Hic est sanguis Domini, et servatoris nostri Jesu Christi, sanctus, honoratus, ac vivificans, qui datus est in remissionem peccatorum, et ad vitam æternam consequendam, vere sumentibus ipsum. Amen. Vere hoc est corpus, et hic est sanguis Emmanuel Dei nostri. Amen. Credo, credo, credo ex nunc et usque in sæculum. Amen. Hoc est corpus, et hic est sanguis Domini et servatoris nostri Jesu Christi, quod et quem assumpsit ex Domina nostra sancta et immaculata Virgine Maria, et univit cum divinitate sine mixtione aut copula naturali, sine separatione aut permutatione divinitatis quam rem testatus est optimo testimonio,

A tempore Pontii Pilati, quo se sponte præbuit pro nobis in ligno sancto crucis. Amen. Credo, credo, credo, quod divinitas non sit separata ab humanitate, ne hora quidem, neque per ictum oculi; dedit autem se pro nobis ad salutem et in remissionem peccatorum, et ad vitam æternam consequendam, sumentibus eum in veritate. Amen. Credo, credo, credo ex nunc, et usque in sæculum. Amen. Hæc ejus sunt qui dignus est honore, gloria, et reverentia.

Hic, sacerdos sumit corpus et sanguinem, et postea communicat ex eadem hostia ministris sacrificii dicens : Hoc est corpus, etc.

Diaconus dicit : Orate pro nobis, et pro omnibus populis Christianis, et illorum memoriam facite qui nobis dixerunt ut sui recordaremur, laudate et psallite cum pace et amore Jesu Christi.

Hoc loco, dum ministratur sacramentum populo, psallunt docti aliqua carmina, in honorem sacramenti, et sanctorum quorum festa celebrantur composita. Quæ populus reiterat canendo.

Sacerdos dicit : Quos vocasti, Domine, et quos sanctificasti, portionem da eis in vocatione tua, et fortifica eos in amore tuo, et custodi in sanctificatione tua per Christum unicum Filium tuum, cui et tibi cum eo, et cum sancto Spiritu, gloria et honor, nunc et semper, et in sæcula sæculorum. Amen. Domine, qui æternum lumen vitæ et fortitudinem servis tuis tribuisti, et eos custodivisti pluribus diebus ac noctibus, præteritis in pace, benedic eis etiam in hac die post Dominum nostrum Jesum Christum, cui, et tibi cum eo, et sancto Spiritu, gloria et honor, nunc, et semper, et in sæcula sæculorum. Amen.

Diaconus dicit : Gratias agamus Domino. Sanctum ejus sumpsimus; sit quod sumpsimus medela ad vivificandam animam. Laudemus Dominum Deum nostrum, sumpsimus sanctum corpus, et venerandum sanguinem, hoc est corpus Christi. Et gratias ei agamus, quod digni fuerimus participare de hoc venerando et sancto mysterio.

Sacerdos dicit : Exaltabo te, rex meus, et Deus meus, et benedicam nomini tuo in sæculum et in sæculum sæculi.

Populus dicit alta voce : Pater noster, qui es in cælis, non inducas, Domine, in tentationem

D Sacerdos dicit : Per singulos dies benedicam tibi, et laudabo nomen tuum in sæculum et in sæculum sæculi.

Populus iterum dicit : Pater noster, qui es in cælis, non inducas nos in tentationem.

Sacerdos dicit : Laudem Domini loquetur es meum, et benedicet omnis caro nomini sancto ejus, in sæculum et in sæculum sæculi.

Populus iterum dicit : Pater noster, etc., ut supra.

Sacerdos dicit : Domine, animarum rector, sanctorum director, et justorum honor, da nobis intelligentiæ oculos qui te semper videant, et aures quæ te solum semper audiant, postquam satiasti animam

nostram gratia tua. Cor mundum crea in nobis, Domine, ut magnitudinem et probitatem tuam ac amorem tuum ergo homines intelligamus. Fiat voluntas tua super animam nostram, et mentem puram ac rectam tribue nobis, qui de corpore tuo et sanguine tuo sumpsimus, servi tui humiles, quoniam regnum tuum, Domine. Gloria ac benedictio sit Patri, et Filio, et Spiritui sancto, nunc, et semper, et in sæcula sæculorum. Amen.

Sacerdos dicit : Domine, Deus noster, lumen inexstinguibile, respice super servos tuos et super ancillas tuas, et semina in cordibus nostris timorem nominis tui, et numera eos quibus corpus tuum et sanguis tuus datus est, ut fructificent in benedictione. Fac habites in illis populis tuis, qui caput suum ante te inclinant, tam in maribus quam, in feminis et pueris, et nos etiam illis adjunge, protege, fove, ac gubernare nos per vires principum angelorum tuorum. Ab omnibus operibus malis separa nos, omnibus operibus bonis conjunge nos, per Christum unicum Filium tuum, cui, et tibi cum eo et cum sancto Spiritu, gloria et honor, nunc, et semper, et in sæcula sæculorum. Amen.

Totus populus dicit comedendo : Sanctus, sanctus, sanctus, trinus, ineffabilis, da nobis ut sumamus vitam per hoc corpus tuum, sine iudicio; da nobis ut fructificemus in beneplacito tuo, et fructus noster

manifestetur in gloria tua; vivifica nos in te, ut faciamus voluntatem tuam, Cum fide invocamus te, Pater, et regnum tuum petimus. Sanctificatur nomen tuum super nos, quoniam tu es fortis ac laudabilis et gloriosus. Tibi sit gloria in sæcula sæculorum.

Diaconus dicit : Inclinate capita vestra ante Dominum immortalem, ut benedicat vos per manum servi sui sacerdotis.

Populus dicit : Amen. Benedicat nos servos suos Dominus. In pace sit remissio super nos qui sanctum corpus et pretiosum sanguinem sumpsimus. Concede nobis ut spiritu omnes vires inimici conculemus. Benedictio manus tue sanctæ plena est misericordia. In ipsa speramus omnes. Ab omnibus operibus malis sejunge nos, in omnibus operibus boni colloca nos, benedictus, sit qui dedit nobis sanctum corpus et pretiosum sanguinem suum. Gratiam accepimus, et vitam invenimus per virtutem crucis Jesu Christi. Gratias agimus tibi, cum Spiritus sancti gratiam recepimus. Gloria sit Domino, qui dedit nobis corpus suum sanctum, et pretiosum sanguinem suum. Gloria sit divæ Mariæ, quæ est gloria nostra, et quæ parturit nobis sacrificium.

Finis canonis Patrum nostrorum apostolorum, quorum oratio et benedictio sit nobiscum, Amen.

BENEDICTIO PUERPERÆ

Secundum usum Æthiopum.

IN NOMINE PATRIS, ET FILII, ET SPIRITUS SANCTI.
AMEN.

Orationes quas dicit sacerdos cum imponit manus super matrem et infantem, postquam ingressi sunt ecclesiam.

Sacerdos primum hortatur populum ad agendas Deo gratias, dicens :

Gratias agamus benefactori nostro Domino misericordii. Patri Domini Dei, et Redemptoris nostri Jesu Christi, quia protexit nos, auxiliatus est nobis, custodivit, et commendatos sibi nos credidit, attraxit, amplexus est, confirmavit, et pervenire nos fecit ad hanc horam. Rogemusque ipsum ut etiam custodiat nos in hac die sancta et in omni tempore vitæ nostræ, in omni pace, omnipotens Domine, Deus noster.

Diaconus dicit : Orate.

Sacerdos autem dicit : Domine, o Domine, Pater bone et omnipotens, Pater Domini Dei, et Redemptoris nostri Jesu Christi, laudamus te super omne opus, pro omni opere, et in omni opere, quia protexisti nos et auxiliatus es nobis, custodisti nos, et commendatos tibi nos credidisti, attraxisti, et am-

plexus es, confirmasti et pervenire fecisti usque ad hanc horam. Petimus quoque et quærimus a bonitate tua, amator humani generis.

Hic diaconus dicit : Petite et rogare ut parcat nobis Dominus, et misereatur nostri, et suscipiat orationem quæ pro nobis sit a sanctis suis, et faciat nos dignos ut quæ præstat accipiamus, et sumamus de participatione et sacramento suo benedicto, ut dimittantur nobis peccata nostra.

Sacerdos subsequitur : Da nobis ut perducamus hunc diem sanctum et omne tempus vitæ nostræ, in omni pace, cum timore tuo. Omnem invidiam et omnem tentationem, et omne opus Satanae, consilium hominum malorum, insultationes inimici absconditas et manifestas elonga et expelle a me et ab universo populo tuo, et ab hoc loco sancto tuo. Omnia bona (quidquid utique præstat et juvat) impera eis per nos, quia tu es qui dedisti nobis potestatem ut calcaremus serpentem et scorpionem, et omnem vim inimicam. Ne inducas nos, Domine, in tentationem, sed redime et libera nos ab omni malo, per gratiam et misericordiam et amorem erga humanum genus, Filii tui unici, Domini Dei, et Redemptoris nostri Jesu Christi, cum quo, tibi, usque